

ԴԻՍԵՐՏԱՑԻԱՆԵՐԻ ՊԱՇՏՊԱՆՈՒԹՅՈՒՆ

1950 թ. դեկտեմբերի 26-ին Հայկական ՍՍՌԻ Գիտությունների Ակադեմիայի նիստերի դահլիճում տեղի ունեցավ Պատմության Ինստիտուտի Գիտական խորհրդի նիստը:

Նիստում լսվեց Գիտությունների Ակադեմիայի Պատմության Ինստիտուտի ավագ դիտական աշխատող ընկ. Երվանդ Խալեյանի և Մանկավարժական Ինստիտուտի դասախոս ընկ. Վահան Իսկանյանի դիսերտացիաների հրապարակային պաշտպանությունը: Ընկ. Ե. Խալեյանի դիսերտացիայի թեման էր «Պրոլետարիատի կռիվը 1903—1905 թվերին»:

Դիսերտանտ Ե. Խալեյանի պաշտոնական օպոնենտներ պատմական գիտությունների դոկտոր-պրոֆեսոր Վ. Պարսամյանը և պատմ. դիտ. թեկնածու Ա. Հակոբյանն իրենց ելույթներում նշեցին ընկ. Ե. Խալեյանի դիսերտացիայի կարևորությունը, արդիականությունը և դիսերտացիայի մի շարք առավելությունները, դիսերտանտի լավ իրազեկությունը այդ ժամանակաշրջանի պատմական իրադարձություններին, պարտիայի պատմությանը, որը և հնարավորություն է տվել նրան հաղթահարելու այդ պատասխանատու թեման:

Օպոնենտներից հետո ելույթ ունեցան պատմական գիտությունների թեկնածու ընկ. Վ. Ավետիսյանը և ֆիլոլ. դիտ. թեկնածու Մ. Հասրաթյանը, որոնք նույնպես բարձր գնահատեցին ընկ. Խալեյանի դիսերտացիոն աշխատանքը:

Ապա կարդացվեց պատմ. դիտ. թեկնածու ընկ. Խ. Բարսեղյանի գրավոր կարծիքը:

Գիտական խորհուրդը փակ, գաղտնի բվեարկությամբ ընկ. Ե. Խալեյանին շնորհեց պատմական գիտությունների թեկնածուի գիտական աստիճան:

Ընկ. Վ. Իսկանյանի դիսերտացիայի թեման էր «Հայ-բուլղանդական բաղաբական հարաբերությունները 10-րդ դարի երկրորդ կեսից մինչև 11-րդ դարի վերջը»:

Պաշտոնական օպոնենտներ փիլիսոփայական գիտութ. դոկտոր Վ. Զալոյանը և պատմ. դիտ. թեկնածու Լ. Խաչիկյանը իրենց ելույթներում նշեցին դիսերտանտի շնորհալի աշխատանքը, այդպիսի մի դժվարին և չլուսաբանված ժամանակաշրջանի բաղաբական պատմությունը տալու ուղղությամբ: Օպոնենտները նշեցին մի բանի թերություններ, որոնց վերացումն անհրաժեշտ համարվեց:

Դիսերտացիայի պաշտպանության ընթացքում ծավալված աշխույժ մտքերի փոխանակությանը մասնակցեցին պատմ. դիտ. թեկնածու Բ. Առաքելյանը և ֆիլոլ. դիտ. թեկնածու Մ. Հասրաթյանը:

Գիտական խորհուրդը փակ գաղտնի բվեարկությամբ ընկ. Վ. Իսկանյանին շնորհեց պատմական գիտությունների թեկնածուի գիտական աստիճան:

* * *

1950 թ. դեկտեմբերի 27-ին տեղի ունեցավ Հայկական ՍՍՌԻ Գիտությունների Ակադեմիայի Ս. Արեղյանի անվան Գրականության Ինստիտուտի և Լեզվի Ինստիտուտի միացյալ գիտական խորհրդի նիստը, որտեղ լսվեց Ս. Աղաբաբյանի և Խ. Գյուլնազարյանի դիսերտացիաների հրապարակային պաշտպանությունը:

Ս. Աղաբաբյանի դիսերտացիոն աշխատանքի թեման էր «Կոլխուզային դուլգի արտացույցումը Ն. Զարյանի ստեղծագործության մեջ», իսկ Խ. Գյուլնազարյանի թեման էր «Հայրենական պատերազմի արտացույցումը սովետական գեղարվեստական արձակ գրականության մեջ»:

Ընկ. Ս. Աղաբաբյանի պաշտոնական օպոնենտներն էին դոկտոր-պրոֆեսոր Մ. Մկրյանը և ֆիլոլոգիական գիտությունների թեկնածու Հ. Մուրադյանը: Ընկ. Խ. Գյուլնազարյանի պաշտոնական օպոնենտներն էին պրոֆեսոր Հ. Մելիքյանը և ֆիլոլոգիական գիտությունների թեկնածու Ս. Բազյանը:

Միացյալ գիտական խորհուրդը բարձր գնահատելով երկու դիսերտանտների կատարած աշխատանքը ընկ. ընկ. Սուրեն Աղաբաբյանին և Խաթակ Գյուլնազարյանին շնորհեց ֆիլոլոգիական գիտությունների թեկնածուի գիտական աստիճան: